

5.  
meine Vernunft rat fragen/ Wie sichs räume oder möglich sey / daß ich seinen Leib  
und Blut mündlich empfangen müge / und darnach als ein Richter über Gott seine  
Worte nach meinem dünckel deuten. Mein so will ich nicht schwermen/ Er hats  
gesagt/ da laß ichs bey bleiben/ Verführet er mich/ so bin ich seliglich verführet/ Er  
hat noch nie kein mahl gelogen/ kan auch nicht liegen. *Hæc hypothesis (sunt  
verba B. Henrici Höpfneri, quem omninò vide, Tract. pract. de cœnâ Do-  
mini sect. 1. artic. 1. c. 5. apborism. 3.) non est indicium alicujus incertitudi-  
nis: argumentatur enim Lutherus ab hypothesis impossibili, quòd scilicet  
non tantùm numquam, sed etiam fieri non possit ullo modo, ut quis  
verbis Dei seducatur. Tales enim hypotheses, quæ non modò in esse,  
sed & in posse nihil ponunt, sic se habent, ut in iis supponatur tam con-  
sequentis, quàm antecedentis impossibilitas, & ipsæ inserviant fortiùs  
adstruendæ negationi. v. g. Si Angelus de cœlo evangelizaverit vobis,  
præter id, quod evangelizavimus, anathema esto Gal. 1. id est, hoc num-  
quam fiet, ut Angelus de cœlo aliud evangelizet. Ita & in verbis Lu-  
theri (& sic consequenter in suprâ allegatorum aliorum autorum ver-  
bis) amplificatur & exaggeratur adsertio genuini sensûs verborum In-  
stitutionis ab eo, quod simpliciter est impossibile, quasi dicat: *Certus  
sum, me verborum Christi proprio sensu non posse falli aut decipi, & quidem  
tam certus sum, quàm certus sum me à Deo falli non posse.* Imitatus est e-  
nim Lutherus in hujusmodi formulâ ab impossibili ducti argumenti *Vi-  
ctorium lib. 2. de Trinit. c. 2.* Hactenus Höpfner. Unum adhuc addam,  
ejusdem spiritus Lutherani, quod notavit in suis *Recitationibus (p. 281.  
Lipsiæ excusis ann. 1583.)* piissimus & gravissimus ille superioris sæculi  
Theologus Electoralis *Nicolaus Selnecker*, quæ est *epistola ad Melanchthonem  
d. ult. Junij ann. 1530. à Lutbero scripta*, cujus verba ita habent: *Quid  
ad Te potissimum scribam, mi Philippe, planè ignoro, ita reverberant  
me cogitationes de tuis pessimis vanisq; curis, ut qui sciam, surdo fa-  
bulam narrari. Hoc facit, quòd tibi soli credis, mihi & aliis non cre-  
dis, magno tuo malo. Ego verum fatebor, Fui in majoribus angustiis,  
quàm tu futurus sis, spero optoq; nulli hominum, ne istis quidem, qui  
jam ita sævi sunt in nos, quantum vis sint scelerati & nefarii, ut mihi si-  
miles fiant. Et tamen in iis malis sæpe levatus sum verbo fratris, ali-*  
quando*